

بالجمله محررات درسمادت پوسته خانه سته
تصوف جریده سی نامه کوندرلیبدر .
قوطلو نوسروسی ۱۴۳

شرائط اشترا

سنة لکی ممالک عثمانیه ایچون
۳۰ غروش ، مصر و ممالک اجنبیه
ایچون ۷ فراقدر .

تصوف

التصوف كله آداب : ابوحنس عمر بن مسلمه

عرفای اتمك مقالات عارفانه رینه تصوفك حیفه لری آچقندر

صاحب امتیاز و سرمحرری
اورفه مبعونی
شیخ صفوت

مرکز تویزی باب عالی جاده سنده
جمعیت کتبخانه سیدر
نسخه سی ۲۰ پاره در

تصوفه متعلق مباحث شتادن باحث و مکارم اخلاق اسلامیتک تعمیننه خادم مجله معنویه در

محبت الهیه

ویسره الذی یبصر به ولسانه الذی ینطق به وقلبه الذی
یعقل به ویده الذی یبطش بها ورجله الذی یمشی بها وکنت له
یداً و مؤیداً (حدیث قدسی موجدیحه انارک صفات
فاتیه سنی صفات باقیه ایله تبدیل بیورمسیدر . عوام مؤمنینه
اولان محبت ربانیه سی ایسه (انک لاتهدی من احیت
ولکن الله یمدی من یشاء) آیت کریمه سی اوزره آنلری
طریق هدایت واصل ونعم الهیه سته نائل ایتمیدر .

مخلوقک خالقه محبتنه کلنجه هر حالده بوجبت (یحبهم
و یحبونه) آیت کریمه سنک اشارتیه محبت الهیه سنک آثار
عالیه سننددر . بودخی اوچ قسمه منقسمدر برنجیسی
محبت ذاتیه ایکنجیسی محبت صفاتییه اوچنجیسی محبت
افعالیه در . محبت ذاتیه : ذات اقدس الوهیتک انوار
مقدسه جمالیه سنندن متجلی برحالت لطیفه روحانییه درکه
تعبیر و تعریفک رسوم و حدودندن منز و متعالیدر .
سلطان العاشقین عمر ابن الفارض قدس سره حضر تریسنک :

ولم تهونی مالم تکن فی قایاً

ولم تقن مالم تحب فی صورتی

بیت عارفانه سیله اشارت بیوردقلری اوزره فناء کلی
ایله ارادات و اختیاراتی ترک ایتک و صورت دائمه ابدیه ده
محبوب ازلی و جمال لم زینک ذکر و فکریله اشتغال و

محبت الهیه : طاعات و عباداتک روحی و درجات
معنویه و تلوم و معارف لدینه کنک سرمایه فیض و فتوحیدر .
(لایؤمن احدکم حتی یکون الله احب الیه من سواء)
حدیث شریفنک دلالت صریحه سیله محبت الهیه : ایمانک
عینیدر . بناء علیه هر مؤمن موحدک قلبی محبت الهیه یه
حصر و تخصیص ایسی فریضه عین عبودیتدر . ماسوانک
میل و محبتدن سینه اخلاصی تطهیر و حب اقدس ربانی ایله
زین و تنویر ایتک ایسه آداب و اصوله رعایت
شرطیه اذ کار الهیه سنک دوامنه وابسته در . زیرا ذکر
و محبت یکدیگریسنک لازم و ملزومیدر محبت دائماً ذکر
و ذکر دومی دخی محبتی استلزام ایدر . ذکر و محبتک
هر ایکلی ایسه مقام وصول و حسن قبولک وسیله
کبراسیدر .

محبت الهیه اساساً ایکی درلودر بری خالقک مخلوقه
دیگری ده مخلوقک خالقه محبتدر . خالق تعالی
حضر تریسنک مخلوقه محبتی دخی ایکی قسمدر بری خواص
مقرین دیگری ده عوام مؤمنینه محبت ربانیه سیدر خواص
مقرینه اولان محبت الهیه سی (لایزال العبد یقترب الی
بالتوافل حتی احبه فاذا احبته کنت سمعه الذی یسمعه به

على حرف فان اصابه خيرا طمأن به وان اصابته فتنة اقبل
على وجهه) آيت كريمه سنده بيان بيورلديني اوزره
الماذ بالله تعالى محبتلى محو و نابود اولور محبت افعاليه
اربابى حق تعالى حضرتلرينه محبت ايتمكده اولدقلرى
زعمنده بولتورلرسده حقيقت حالده محبتلى انجق كندى
نفسلرينه در لكن اكرم الاكرمين تعالى و تقدس
حضرتلى لطفاً و كرماً بونلرك محبتلرينه مكافات ايلر.
انجق بونلر دائماً بر طريق خطرناك اوزرنده بولتورلر
چونكه محبتلى نعم الهيه ايله معلول بولديغندن اونعمتلك
زواليله رابر محبتلرينك دخى زوالى كي بر مخاطره عظيمه
دائماً موجوددر . سعادت عظمى ايسه برنجى درجهده
محبت ذاتيه وايكنجى درجهده محبت صفاتيه در .

اخلاق صوفيه

حسن ادب

حسن ادب طريقت عليه صوفيه نك اس الاسايدر .
اعظم سادات صوفيه دن ابو حفص عمر بن مسلمه
حضرتلى تصوفك تعريفنده بو اساس متينه اشارتله
(التصوف كله آداب) بيورمشر و حضرات صوفيه :
فيوضات و فتوحاتك و طريق الهيده علو درجاتك حسن
آداب متوقف اولديغنده اجتماع ايشلاردر . بناء عليه
بيوك . كوچوك . عالم . جاهل هر كيم اولورسه اولسون
هر بر فرد آفريديه قارشو حسن آداب رعایت ايتك
سالكان طريقت ايچون شرط اعظمدر . هر بر فرد
آفريديه قارشو حسن آداب رعایت ايتك صور
متوسعيه مبتيدر بكر بن عبدالله منى حضرتلى
بيوريوركه : سندن بيوك اولانلرك سندن اول الاميته
و اعمال صالحيه سبقت ايتش اولدقرنى و كوچوك
اولانلرك دخى قصور و خطاهه مادونكده بولتدقرنى
دوشونلرك بيوك و كوچوك هر كه حرمت ايت ! اكر
خلق سكا اكرام ايدرلرسته استحقاقت اولمدينى حالده
محضا جناب حقك لطف و عنايت الهيه سى اولديغنى دوشون!

استغراق ايتك بو محبت ذتيك خصوصياتنددر . بو محبت
حقيقه و بو حالت روجيه عاشقان جمال احديت : ذوق
وجدانى نسبتنده الفاظ متخالفه و معانى متقاربه ايله
اشارت ايشلاردر . ازجمله حاث محاسبى حضرتلى
بيوريوركه محبت : انسانك بتون موجودتييله ميديتيمى
و محبوبى كندى نفسنه . روحه ماله رجيج و ايتار
ايتلى و ظاهراً و باطنساً مرر آرزوسنه موافقتله برابر
ينه ايتك محبتده قصورده بولديغنى كورميدر . سرى
سقطى حضرتلى دخى بيوريوركه ايتكى ذتيك هر برى
يكديكرينه ايتى ! ديهك راده كلكجه محبت حقيقه
حاصل اولمىز . عرفاد ديكر بذات ايسه محبت بر آتشدر .
قلبك دروننده محبوبك غيرى هر نه واريسه جمله سنى
محو و افنا ايدر بيوريور . و الحاصل رباب شوق و ذوقك
هر برى محبت الهيه ايله درجه اتصافى نسبتنده ادره كلام
ايشلدر . بولكاتك بدرجه قدر ايضاح ايلديكى محبت
حقيقه نك انوار و آثارينه نظر عارفانه ايله باقيلرسه
سرمست صباى محبت اولان بعض اعزّه كرام و عشاق
جناب رب الانامك (الخالق) كجى كلمات و الهانده
بولمش اولدقلرى معذور كورمك ايجاب ايدر بو محبت
حقيقه : ذات اقدس احديتك شؤنانندن بولمغله اور
اكسابيه دن دكلدر .

محبت صفاتيه دخى برحالت شريفه معنويه دركه صفات
الهيه نك مشاهدّه جائلندن نمايا اولور بو محبتك اربابى
دخى كافه احوال و افعال عاشقانه لر نه محبوبك ذكر
و فكرندن غافل اولزلر چونكه بو محبت خواص مخلصينك
خصوصيتنددر . انلر حق تعالى حضرتلرينه انجق اجمال
و تعظيم نيتيله وظائف عبوديتلى ايفا ايدرلر . شوقدر
واركه بو محبت صفاتيله مقيد بولديغندن مظاهر ناظردر
محبت افعاليه ايسه نفسك الطاف الهيه و مواهب جزيله
سبحانيه ميلانندن عبارتدر مكارم افعال الهيه و محاسن
الطاف ربانيه نك مشاهد سندن نشأ ايدر بو محبت اربابك
عبادتلى ايسه حظوظات نفسانيه لر نه مييدر . انعام
واكرام الهيدن محروميتلى حالده (ومنهم من يعبد الله